

तीमुथयिस के नाम पौलुस प्रेरति की दूसरी पत्री तीमुथयिस उन हेसुर पौलुस प्रेरति उन दूसरा चट्ठी परचिय

दूसरा तीमुथयिस उन कतिाब प्रेरति पौलुस उन दूसरा चेला तीमुथयिस उन साटी दूसरा चट्ठी हुन. दूसरा तीमुथयिस पौलुस उन जीवन इन आखरी दा लखिसकु आगीत. ई समय रोम दा आऊक कैद माळकु आगीत १:१६ पौलुस तीमुथयिस उन सांगुळ घनषिठ संबंघ ईटदुन अदकि आऊक पार उन रूप दा संदर्भति माळदुन. फलिपिपगिळ २:२२,१ तीमुथयिस १:२; १:१८

ईद पौलुस उन नाक चट्ठी दा टु ऊंद हुन याऊक मंडली इन बजाय यातारा मंळसा अक संबोधति माळकु आगतद. अन्य हगि मुर चट्ठी गोळ आव हयांग क्ति पयला तीमुथयिस, तीतुस अदकि फलिपिपी. आ समय इन दौरान येढ्ढ तीमुथयिस लखिसकु आगीदव, रोमन साम्राज्य देल मसीहगोळी सतुस्कु आगोद. शायद ईदा कारण ईरोद क्ति पौलुस जयल दा ईरोन अदकि तीमुथयिस उक कठनाई इंद सामना माळोद नरिदेश कोळोन. पयला तीमुथयिस दा, पौलुस तीमुथयिस उक ख्वाटा गुरुगोळ बारा दा हापाळ चेतावनीगोळ कोट्टुन १ तीमुथयिस १:१६-१८ आव तीमुथयिस उक भी हेळतान क्ति मुंद कठनि समय ईततव ३:१ रूप-रेखा

१. पौलुस तीमुथयिस उक बधाई कोळतान अदकि बाक आऊक प्रोत्साहति माळतान १:१-१८

२. आग आव तीमुथयिस उक मुंद वाळुसोर साटी चुनौती कोळतान २:१-१३
३. ईदुर बाददा आव आंदरी थ्वाळासा साधारण नरिदेश कोळतान २:१४-२६
४. बाक आव भवषिय अन घटनागोळ अदकि जवाब कोळोद सही तरीका अन बारा दा चेतावनी कोळतान ३:१; ४:८
५. पौलुस तीमुथयिस उन साटी येनारा व्यक्तगित टपिपणगोळ सांगुळ चटिठी खतम माळतान ४:९-२२

1 पौलुस इन दी टु जो परमेश्वर उन इच्छा देल मसीह यीशु उन प्रेरति आन, अदकि यारी यीशु मसीह दा ऊंद आगोर साटी वादा अन प्रचार माळोर साटी कळ्यान,

2 *प्रयि पार तीमुथयिस उन हेसुर:

परमेश्वर आप्प अदकि नामव प्रभुमसीह यीशु उन दी टु नीनी अनुग्रह अदकि दया अदकि शांती सकितेला ईरूल.

धन्यवाद अदकि प्रोत्साहन

3 याता परमेश्वर उन स्यावा ना तान आप्प दादागोळ रीति मा शुद्ध वविक देल माळतीन, आऊन धन्यवाद आगुल अदकि ईळ्लक हागुल याग ना प्रार्थनागोळ दा नीमी हमेशा याद माळतीन, अदकि आऊक धन्यवाद माळतीन. 4 अदकि नीन कण्ण दाकळव नीर इन याद माळ माळकु दलि देल नीनी भेंट माळोद लालच ईटतीन कि खुशी देल तुमेगाईन. 5 *ना नींद आ खरा वशिवास इक याद माळतीन, जो पयले नीन आजी लोईस अदकि नीन मोय यूनीके दा ईरोद, अदकि नानी पुरा यकीन आद कि अदा वशिवास नीन दा भी आद. 6 ईदा कारण ना नीनी याद कोळतीन कि नी आ वरदान इक जतिता ईट जो नीन म्याकुच नांद कय ईटदुर द्वारा परमेश्वर नीनी कोटान. 7 यतकी परमेश्वर

नामी अंजक इन ईला लेकीन सामर्थ्य अदकि प्यार अदकि संयम इन आत्मा कोटान.

8 इदुरसाटी नामव प्रभु उन गवाही देल, अदकि नान देल जो मसीह अन कैदी आईन, लज्जति आगवाळ, लेकीन आ सामर्थ्य जो परमेश्वर नीनी कोटान अदुर अनुसार खुशखबरी साटी नान सांगुळ दुख नेगु 9 याव नामी ऊळस्थान अदकि पवतिर जीवन जीऊसोर साटी नामी कारदुन, अदकि ईद नाम क्याल्सा अन अनुसार ईला लेकीन आऊन उद्देश अदकि अनुग्रह अन अनुसार आद. आव ईद अनुग्रह नाम मा माळ्यान मतलब प्रभु यीशु मसीह अन द्वारा काल इन सुरूवात देल नाम मा आग्याद, 10 लेकीन ईग नाम उद्धार माळावाळा मसीह यीशु उन प्रगट आगोद द्वारा प्रगटीत आत, याव मृत्यु उन सामर्थ्य अन नाश माळदुन अदकि जीवन इक खुशखबरी इन द्वारा प्रगट माळदुन.

11 यार साटी परमेश्वर नानी प्रेरति, अदकि शक्तिषा कोळावाळा नयिकुत माळदुन, ताकी ना खुशखबरी इन प्रचार माळाईन. 12 ई कारण ना ई दुखगोळी भी नेगुतीन, लेकीन नाचालीन, यतकी ना आऊक यार मा ना वशिवास माळदीन, अरूतीन; अदकि नानी वशिवास आद कि आव नांद धरोवर इंद आ दनि ताका रखवाली माळ सकतान. 13 जो सही मातगोळ नी नान बाय देल केळ्या अवरी आ वशिवास अदकि प्यार इन सांगुळ, जो मसीह यीशु दा आद, तान आदर्श माळकु ईद, 14 अदकि पवतिर आत्मा अन द्वारा जो नाम दा समुस्कु आद, ई वळ्लीद मातगोळ रखवाली माळ.

15 नी जान्सत्या कि आसिया नगर वाळेर सप्पा मुंदुर नान से तरिगेग्यार, यारदा फूगलिस अदकि हरिमुगनिस आर. 16 उनेसफिरूस उन घराना मा प्रभु दया माळुल, यतकी आव हापाळ अनली नानी सुख पोहचुस्थान, अदकि आव नान शंकलीगोळ दा ईत्तुर देल नाचीदलि. 17 लेकीन याग आव रोम

दा बंदुन, रा यागासताका ना सकिर्दिल आगासताका आव नानी
 हुंदसतेला ईत्तुन, अदकि नान से मुलाकात माळदुन ¹⁸ प्रभु
 माळुल कि आ दशी आऊन मा प्रभु उन दया आगुल अदकि
 जो जो स्यावा आव इफसिस दा माळ्यान अवरी भी नी वळ्लीद
 देल जान्सत्या.

2

मसीह यीशु उन स्वामीभक्त सैनिक

¹ इदुरसाटी हे नान पारा, नी आ अनुग्रह देल जो मसीह यीशु
 दा आद, बलवन्त आगेग, ² अदकि जो शक्षागोळ नी हापाळ
 सा गवाहगोळ मुंद नान से केळ्या, अवरी वशिवासी मंळसागोळी
 सौप्स बुळ; जो दुसरा अक भी कलसोद लायक ईरूल.

³ मसीह यीशु उन वळ्लीद योद्धा अन घाई नान सांगुळ दुख
 नेगु. ⁴ याग यावारा योद्धा लळाई मा होगतान, रा इदुरसाटी कि
 आऊक जो भरती माळ्यार आंदरी खुश माळुल, आव तान तान
 इक दुनया अन क्याल्सागोळ दा फसुसालुन. ⁵ बाक अखाळा
 दा लळुसावाळा अगर नयिम इन अनुसार लळुसालुन रा ईनाम
 सीक सकाल. ⁶ जो मयनती कसान मयनत माळतान, रा काय
 इन अंश पयले आऊक सीक पायजे. ⁷ जो ना अनतीन ई सप्पा
 मातगोळ मा ध्यान कोळ, अदकि प्रभु नीनी सप्पा मातगोळद
 समझ कोळुल.

⁸ यीशु मसीह अक याद ईट, जो दाऊद उन वंश देल आग्यान
 अदकि सोत्तुर दा टु जतिता आदुन, अदकि ईद नान खुशखबरी
 इन अनुसार आद. ⁹ यार साटी ना कुकर्मी इन घाई दुख नेगुतीन,
 ईल ताका कि बंधन भी आईन; लेकीन परमेश्वर उन वचन कैद
 हैलेच. ¹⁰ ई कारण ना नविळुसद लॉकुर साटी सप्पा येनारा सहन
 माळतीन, कि आंदरी भी आ उद्धार जो मसीह यीशु दा आद
 अनन्त महमा अन्द सांगुळ सकिल. ¹¹ ईद मात खरा आद,
 कि अगर नाव आऊन सांगुळ सोतागेव,

- रा आऊन सांगुळ जत्तिता भी आदेव;
 12 ✨अगर नाव धीरज देल सहन माळ्त् ईत्तेव,
 रा आऊन सांगुळ राज्य भी माळेव;
 अगर नाव आऊन इनकार माळेव,
 रा आव भी नाम इनकार माळ्यान;
 13 अगर नाव अवशिवासी भी आयेव,
 तरी भी आव वशिवासयोग्य बनसकु ईरतान,
 यतकी आव खुद तान इनकार माळ सकालुन.

वळ्लीद कारीगर

14 ई मातगोळ्द याद आंदरी तोरस अदकि प्रभु उन मुंद वशिवास देल हेळ की शब्दगोळ मा तरक-वतिरक माळतोग बाळुल, यऊर देल येनु फायदा आगाल उलटा केळावाळेर्द नाश आगोगतद. 15 तान तान इक परमेश्वर उन ग्रहण माळा लायक अदकि हगि क्याल्सा माळावाळा ठहरूसोद कोशशि माळ, जो नाचक ईला पायजे, अदकि जो सच्चाई इन वचन इक बराबर रीर्ता देल क्याल्सा दा तरतोगुल. 16 लेकीन बेकार मातगोळ देल ऊळ्दकु ईर, यतकी हगि लॉकुर मात्त यक्कुल अभक्त्ता दा वाळुस्त ईत्तार, 17 अदकि आंदुर वचन हुळ्तकु दुख घाई फैलुस्त होदति. हुमनियुस अदकि फलितुस आंदुर दा टु आर, 18 जो ईद अंदकु की पुनरूत्थान आगोग्याद सच्चाई इन हादी टु काळदोग्यार, अदकि यास मुंदुरद वशिवास इक नाश माळ बुळतार. 19 तरी भी परमेश्वर उन पक्का पायवा बनसकु ईरतद, अदकि आऊन मा ईद छाप हतकु आद: “प्रभु तान लॉकुरी अरूतान,” अदकि “जो यावारा प्रभु उन हेसुर ताकोमतान, आव अन्याय देल ऊळ्दकु ईरूल.”

20 धोळ मान्या सरिफ व्हानना-बेळ्ली इंद अच ईला, लेकीन हुळ्ली अदकि मुण्ण इन भी गळग्या ईरताव; यातारा-यातारा

आदर, अदकि यातारा-यातारा अनादर इन साटी. 21 अगर यावारा तान तान इक ईऊर देल शुद्ध माळ्यान, रा अद आदर इन गळग्या मात्त पवतिर ठहूसीत; अदकि स्वामी इन क्याल्सी बंदीत, अदकि सप्पा वळ्लीद क्याल्सा साटी तयार आदीत. 22 हारोदपन इन मोहमाया देल ओळ, अदकि जो शुद्ध मन देल प्रभु उन हेसुर ताकोमतार आंदुर सांगुळ न्याय, अदकि विश्वास, अदकि प्यार, अदकि मेल मलाप इन हृदि हत. 23 लेकीन मूरखपन अदकि अवदिया अन्द ववादागोळ देल अलग ईर, यतकी नी जानसत्या की ईऊर देल झगळा नरिमाण आगताव. 24 प्रभु उन दास उक झगळेलु ईला ईर पायजे, लेकीन आव सप्पा मुंदुर सांगुळ मुलायम अदकि शिक्षा दा नपिण अदकि सहन माळावाळा ईरूल. 25 आव वरिध माळावाळेर इक नम्रता देल समझुसुल, येन मालूम परमेश्वर आंदरी मन तरिगुसोद मन कोळुल की आंदुर भी सच्चाई इक अरूल, 26 अदकि आंदुर सचेत आगकु शैतान उन फासा दा टु बटिटोगुल. याव आंदरी आंदुरद इच्छा पुरा माळोर साटी बंदी माळदुन.

3

आखरी दनि

1 लेकीन ईद याद ईट की आखरी दनिगोळ दा कठनि समय बंदव. 2 यतकी मळसा मतलबी, धन इन लालची, घमण्ड माळावाळेर, अभिमानी, अपमान माळावाळेर, मोय-आपूपुरद आग्या कडावाळेर, एहसान मारावाळेर, अपवतिर, 3 प्यार ईला माळावाळेर, माफ ईला माळावाळेर, अपमान माळावाळेर, असंयमी, कठोर, भलाई इन दुश्मन, 4 विश्वासघात माळावाळेर, लापरवाह, घमण्ड माळावाळेर, अदकि परमेश्वर उन ईला उलटा सुखवलास इक चाहासावाळेर ईत्तार. 5 आंदुर भक्ति इन भेष रा माळ्यार, लेकीन अदुरद ताकत इक मानसतदिलि; हगि लॉकुर से दुर ईरेत. 6 ईदुर दा टु अच आ लॉकुर आर जो माननागोळ दा

वत्त काल देल होककोमतार, अदकि आ दुर्बल आर्तेर इक वश दा माळ कोमतार जो पापगोळ देल वोतकु अदकि सप्पा प्रकार इंद अभलिषागोळ्द वश दा आर, ⁷ अदकि ईत्ता आर्तेर हमेशा कलुतेला रा ईरतार लेकीन सच्चाई इक जान्स सकालुर. ⁸ ह्यांग यन्नेस अदकि यम्ब्रेस मूसा अन्द वरिध माळीदुर, हांग अच ईदुर भी सच्चाई इन वरिध माळतार; ईदुर हगि मळसा आर, यार्द दमाक भ्रष्ट आगोर्ग्याद अदकि ईदुर वशिवास दा असफल आर. ⁹ लेकीन ई लॉकुर ईदुर से मुंद वाळुस सकालुर, यतकी सप्पा लॉकुर नोळ्यार कांआंदुर याट मूर्ख आर. हांग अच ह्यांग यन्नेस अदकि यम्ब्रेस उन सांगुळ आत.

तीमूथयिस उक वशिष नरिदेश

¹⁰ लेकीन नी नान शकिषा, नान जीवन इन आचरण, उद्देश वशिवास, धीरज, प्यार, सहनशीलता ई सप्पा मातगोळी वळ्लीद रीत दिेल जान्सत्या; ¹¹ *नांद सताव अदकि नानव दुख, अदकि अन्ताकिया अदकि इकुनयिम अदकि लुस्त्रा दा जो भयंकर यातनागोळ नानी कोटकु आगीदव अदकि यदरी ना सहन माळदीन, ईद नी जान्सत्या, तरी भी प्रभु नानी ईव सप्पा दुखगोळ से बीळ्सदुन. ¹² लेकीन यास मसीह यीशु दा भक्ता इन सांगुळ जनिदगी बतिसोद चाहासतार आंदुर सप्पा मुंदुर सतुस्कु आदार; ¹³ लेकीन दुष्ट अदकि बयकुसावाळेर ध्वाका कोळतेला अदकि ध्वाका तनितेला, बगिळुसत होटोदार. ¹⁴ लेकीन नी आ सच्चाई इन मातगोळ मा जो नी कलत्या अदकि वशिवास माळ्या, ईद जान्सकु मजबूत बन्सकु ईर कां नी अवरी याता लॉकुर से कलत्या, ¹⁵ अदकि स्याणपन टु पवतिरशास्त्र अपमान अर्तकु आद, जो नीनी यीशु मसीह मा वशिवास माळदुर देल उद्धार हासलि माळोर साटी हुश्यार

* 3:11 ३:११ प्रेरतिगोळ १३:१४-५२; प्रेरतिगोळ १४:१-७; प्रेरतिगोळ १४:८-२०

माळ सकतद. 16 सम्पूरण पवतिरशास्त्र परमेश्वर उन प्रेरणा देल रचुसकु आग्याद अदकि उपदेश, अदकि समजुसोद, अदकि सुधारन माळोद, अदकि न्यायीपन इन शक्षिा साटी फायदेमंद आद, 17 ताकी परमेश्वर उन जन सदिध आगुल, अदकि हर ऊंद वळ्लीद क्याल्सा साटी तयार आगेगुल.

4

1 ना परमेश्वर अदकि मसीह यीशु उन मुंद जो जत्तिता अदकि सोतकु मळसागोळद न्याय माळ्यान, अदकि राजा आगकु शासन माळोर साटी बंदान, आंदरी गवाह मान्सकु ना वनिती माळतीन, 2 कनिी वचन इन प्रचार माळ, समय बेसमय तयार ईर, सप्पा प्रकार इन सहनशीलता अदकि शक्षिा अन्द सांगुळ नरिदेश कोळ, दनकुस अदकि समजुस. 3 यतकी हगि समय बंदीत याग लाँकुर सच्चाई इन शक्षिा केळतीदलि, लेकीन आंदुर खुद इक समाधान सीकुल ईत्ता मातगोळ केळोर साटी तान अभलिाषागोळद अनुसार तान साटी हापाळ सा शक्षिा कोळावाळेर जमा माळ कोंडार, 4 अदकि तान कवि सच्चाई इन हादी दी टु तरिगुसकु काल्पनकि कात्तागोळ मा हच्यार. 5 लेकीन नी सप्पा मातगोळ दा नयित्रण ईट, दुख नेगु, खुशखबरी प्रचार इन क्याल्सा माळ, अदकि तान स्यावा अक पुरा माळ.

6 यतकी ईग नांद अर्पण इन घळी होट बंदाद, अदकि नान ईद जीवन इक त्यागसोद समय होट बंदाद. 7 ना वळ्लीद कुस्ती आळ कोंडीन, ना तान दवळ पुरा माळ कोंडीन, ना वशिवास इन रखवाली माळीन. 8 भवष्य दा नान साटी वजियी ईनाम इन मुकुट ईटकु आद, यदरी प्रभु, जो आसान हादी देल नळसावाळा हुन, नानी आ दशिी कोट्टान, अदकि नानी इच ईला उलटा आ सप्पा मुंदुर इक भी जो आऊन प्रगट आगोद प्रयि जानसतार

व्यक्तगीत वचन

9 नान हातूती राटनेरी बरोद कोशशि माळ. 10 यतकी देमास ई दुनया अक प्रयि जान्सकु नानी बटि बुटान अदकि थसिसलुनीके अक होटोग्यान. क्रेसकेस गलातया अक अदकि तीतुस दलमतया अक होटोग्यान. 11 सर्फि लूका नान सांगुळ आन. मरकुस उक हुडुकु होटबर; यतकी स्यावा अनूद साटी आव हापाळ उपयोगी आन. 12 तुखकिस उक ना इफसिस कळीन. 13 याग नी बंद्या रा झागा अक यदरी ना त्रोआस दा करपुस उन मान्या बटिकु बंददीन तरेत; अदकि नानव कतिबगोळ वशिष माळकु तोगुल इन चट्टी गोळी हुडुत बरेत.

14 धातु उन क्याल्सा माळावाळा सकिन्दर नानी हापाळ नुकसान पोहचुस्यान; प्रभु आऊक आऊन क्याल्सागोळ अनुसार बदला कोट्टान. 15 नी भी आऊन से सावधान ईर, यतकी आव नाम उपदेशगोळ्द हापाळ अच वरिध माळ्यान.

16 नान पयले पक्ष इन समय याऊ भी नान साथ कोटीदील, उलटा सप्पा मुंदुर नानी बटि बुटीदुर. 17 लेकीन प्रभु नान सांगुळ नीदुरकु ईततुन अदकि नानी सामर्थ्य कोट्टुन, ताकी नान द्वारा पुरा पुरा प्रचार आगुल अदकि सप्पा गैरयहूदी लॉकुर केळ कोमुल. ना हुल्ल इन बाय देल बळिसकु आगीन. 18 अदकि प्रभु नानी हर ऊंद बुरा क्याल्सा देल बळिस्यान, अदकि तान स्वर्गीय राज्य दा उद्धार माळकु पोहचुस्यान. आऊन महमा हमेशा हमेशा आगतेला ईरूल. आमीन.

आखरी अभिवादन

✧ 4:10 ४:१० कुलुस्सगिोळ ४:१४; फलिमोन १:२४; २ कुरिन्थि ८:२३; गलातगिोळ २:३; तीतुस १:४ ✧ 4:11 ४:११ कुलुस्सगिोळ ४:१४; फलिमोन १:२४; प्रेरतिगोळ १२:१२,२५; १३:१३; १५:३७-३९; कुलुस्सगिोळ ४:१०; फलिमोन १:२४ ✧ 4:12 ४:१२ प्रेरतिगोळ २०:४; इफसिगिोळ ६:२१,२२; कुलुस्सगिोळ ४:७,८ ✧ 4:13 ४:१३ प्रेरतिगोळ २०:६ ✧ 4:14 ४:१४ १ तीमूथयिस १:२०; रोमियो २:६

19 ✨प्रसिका अदकि अक्वलिा अक अदकि उनेसफिरूस इन घराना अक नमस्कार. 20 ✨इरास्तुस कुरन्थुस दा ईतोदुन, अदकि त्रुफमिस उक ना मलितुस दा बमिर आगा कारण बटिन. 21 सोळीन दनि से पयले बरोद कोशशि माळ. यूबूलुस, अदकि पूदेस, अदकि लीनुस अदकि क्लौदिया, अदकि सप्पा वशिवासी वार्दुर्द नीनी नमस्कार.

22 प्रभु नीन आत्मा अन सांगुळ ईरूल.

नीम मा अनुग्रह आगतेला ईरूल.

✨ 4:19 ४:१९ प्रेरतिगोळ १८:२; २ तीमथयिस १:१६,१७
प्रेरतिगोळ १९:२२; रोमियो १६:२३; प्रेरतिगोळ २०:४; २१:२९

✨ 4:20 ४:२०

परमेश्वर उन खरा वचन
The Holy Bible in the Holiya language of India: परमेश्वर
उन खरा वचन

copyright © 2020 The Word for the World International

Language: Gohllaru (Holiya)

Contributor: The Word for the World International

परमेश्वर उन खरा वचन
व्हाशोद नयिम, 2020

The New Testament in Holiya Language

The Word for the World International

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-08

PDF generated using Haiola and XeLaTeX on 21 Feb 2024 from source files dated 9 Apr 2023

3943f9d0-5b35-54ad-8e8f-1b7bf74924c6